

Tch'est qu'tu'aimes mangi, té?

J'aime hardi la nouôrritthe pînmentée mé! J'vais souvent au restaurant Îndgîen. J'aime y' aller l' Sanm'di au sé auve ma fianchie pour mangi des curries ou du poulet Tandoori. J'aime étout lus fanmeux pain "naân". L'Été passé, j'feûnmes en Teunnisie pour des vacances. J'aimînmes mangi l'couscous auve la sauce Harissa. J'en mangînmes quâsiment touos les jours. Né v'là tch'avait un goût d'èrvas-y!

M.

Ma bouonnefemme est Italienne et, siez nous, jé d'vons mangi des pâtes à la sauce dé tonmate touos les jours! Ch'est la tradition! Lé fricot qu'j'aime lé mus ch'est les pâtes auve dé la crème, du lard feuntchi et du fronmage! Si j'ai du temps l' weekend, j'aime graie des podîns. Hièr j'griyis un pâté d'pomme. J'sis si fricoteux, qu' j'en mangis trop! Auprès ch'na, j'avais mal au ventre.

P.

J'sis Musulman mé, et jé n'peux pon mangi d'lard. Quand j'vais au restaurant jé chouâsis d'mangi du poulet, dé l'angné ou d'la viande dé vaque. Man fricot préféthé ch'est la bourgaille et j'en mange hardi souvent. Lé problième est qu' ch'est trop gras et i' faudrait qu'j'èprouve à en mangi mains souvent.

A.

J'sis allergique ès nouaix mé et j'dai m'en mêfier! Si j'en mange par accident i' faut qu'j'âge à l'hôpita pour eune înjektion. Ch'est hardi gênant! Hormîns les nouaix, j'peux mangi touos les fricots qué j'veurs. Mais si j'vais au restaurant i' faut tréjous qué j'mé mêfie. Ch'est ennyant!

T.

J'sis végétarien, mé. J'èrnonchis à mangi d'la viande et du païsson quand j'tais janne. Au c'menchement ch'tait un mio malaîsi. J'dus apprendre à rempliaichi la viande par d's oeux, du tofu ou des pais. Jé n'savais pon coutchi et j'dus apprendre à graie difféthents fricots sans faithe sèrvi la viande ou l'païsson. Aniet, jé n'èrgrette pon man chouaix. Êt' végétarien est mus pour l's animaux, la plianète et bein seux pour la santé!

R.



Jèrriais

1. **Rêponds ès tchestchions.**

1. Tchi qu' aime graie des podîns?
2. Tchi qui n'peut pon mangi du beurre dé nouaix?
3. Tchi qui dait s'mêfier quand i' va au restaurant?
4. Tchi qu' aime les fricots êpicés?
5. Tchi qui dut apprendre à coutchi?
6. Tchi qui n'peut pon mangi du lard?
7. Tchi qui dait mangi des pâtes touos les jours?
8. Tchi qu' aime hardi la viande de vaque?
9. Tchi qui fut en vacanches en Teunnisie?

2. **Complète aue les vèrbes en d'ssous.**

faithe mangi apporter aller acater graie
--

1. J'sis végétarien et jé n'peux pond'la viande.
2. Lé weekend tchi veint j'm'en vaisun pique-nique aue mes anmîns.
3. J'aime musen vacanches à la mé.
4. Nou daitdu long pain pouor graie des sannouiches.
5. Ma méthe aime hardides pliats Îndgiens.
6. J'peuxdes brueûques et du baithe pouor la fête siez nos vaîsins.



Jèrriais